

առաջ եկեղեցին շինուած է 1521 թուին, կառուցանողն է նշանաւոր Խանչիկ Հանգու Սմենօրեայ ժամերգութիւնը այդտեղ է կատարուում: Եկեղեցու շուրջը կան 16 և 17 դարերի դերեզմաններ, որոնց տապանադրերը անընթեռնի են: Եկեղեցու աջ կողմն է խորհրդարանը, իսկ դրան հանդէպ Լուսաւորչեան վարժարանը շինուած 1824 Փրկչի և 1273 հայոց թուականին: Այս տարեշրջանին երկու սեռի աշակերտների թիւն էր 23. Հաշուելով օտար դըպրոցներում սովորողներին, որոնք հայերէն և կրօն մեր դպրոցումն են սովորում:

Սուչավայում առաջ 700 հայ է եղել այժմ 41 ընտանիք կայ: Կարծոււմ է, որ հայերը Սուչավա գաղթել են 13-րդ դարում, և հինգ եկեղեցիների դոյութիւնը ապացոյց է, որ հայերը այստեղ բազմութիւ են եղել:

Կարևոր է համարոււմ Ռումանիայի հայերի համար ևս առաջնորդութիւն հաստատել, հայերի հոգևորական վիճակը շատ անմխիթար է:

ՀԱՅ ԿԱԹՈՒԼԻԿ ԵԿԵՂԵՑԻ

Հայ-կաթոլիկ եկեղեցի յանձնուած լեհացիներին. —

Թէոդոսիայի հայ-կաթոլիկական եկեղեցին յանձնուած է լեհ—կաթոլիկներին: Այս առիթով Թէոդոսիայի հայ կաթոլիկ համայնքը սաստիկ վրդովուած է: Ռումանաւտանի հայ-կաթոլիկների առաքելական կառավարիչ Հ. Սարգիս վարդապետը աշխատում է վերահաստատել հայ կաթոլիկների իրաւունքը խլուած եկեղեցու վերաբերութեամբ:

Հայ-Հռովմէականների ժողով Հռովմում.

Բիւզանդիոնը (հօմ. 3) գրում է, թէ հայ-հռովմէական եպիսկոպոսներից չորսը որ Հռովմ պէտք է գնալին, արգելուեցին Կ. Պօլսում: Ժողովրդի և ընդհանուր ժողովի կողմից դրանց դիմումներ են լինում և բացատրութիւններ տրուում Թէրզեանի հակադդային արարքների մա-

սին: Խաչատուրեան և Խարայէլեան եպիսկոպոսները այն կուսակցութեան են յարուած, թէ պէտք է գնալ Հռովմ' ներկայ կացութեանը դարման խորհելու համար, վստահեցնելով, թէ իրանք Թէրզեանի ձեռքին խաղալիք չեն լինի: Միւս կողմից լսուած է, որ Թէրզեանի հրաժարեցման վերաբերեալ հանրագորութիւնը կառավարական այլ և այլ ատենաների մէջ գործադրութեան է դրուած:

* * * Կառավարութիւնը քեզիքէ մը ուղղելով Հայ-Հռովմէականաց Պատրիարքարանը, կ'արդիւէ թրքահայ եպիսկոպոսներուն Սինօդ գումարել Հռովմ' մէջ, մինչեւ որ հասկցուի եւ ըացատրուի այդ հաւաքման ըուն նպատակը. կը դիտուի միւս կողմէ որ Հայ-Հռովմէականաց Ընդհ. ժողովը Պատրիարքը դադրեցուցած ըլլալով իր պաշտօնէն, Թէրզեան արդէն իրաւասութիւն չունի Սինօդ գումարելու: (Տաճար):

—Перк. Вѣст. (№ 41) գրում է.

«Ինչպէս հաղորդում է «Corriere della Sera» Հռովմուս, հոկտեմբերի 15-ին (ն.տ.) Բացուեց հայ կաթօլիկ եպիսկոպոսների ժողովը: Ներկայ են լինում 15 եպիսկոպոսներ և Միթարեանների երկու մեծաւորները:

Ժողովը տեղի է ունենում Պիոս Ժ. ի կարգադրութեամբ, եկեղեցական վարչական խնդիրները քննելու համար, ի մասնաւորի՝ պատրիարքի և եպիսկոպոսների իրաւունքների մասին, Հայ կաթօլիկների մէջ նորերումս ծագած լուրջ շփոթութիւնների առիթով: Ազգային ժողովը, որ կազմուած է համարեա միայն աշխարհականներից, եկեղեցական սահմանադրութեան մի ծրագիր է մշակել, որով օրէնսդրական իրաւունքը պէտքէ անցնի ազգային ժողովին, իսկ պատրիարքին ու եպիսկոպոսներին մնում էր միայն կատարողի պարտքը:

Պատրիարքը մերժեց այդ ծրագիրը և արձակեց ժողովը. սակայն ժողովը հրաժարուեց հնազանդել այդ կարգադրութեանը: Հռովմայ «Romae l'Oriente» օրագիրը, որ յայտնի է Սաբսոնիայի պրինց Մաքսի յօդուածի պատմութեամբ, ջանք է անում շահագործել ժողովի ստիպողական գումարումն ներկայացնելով այն որպէս պապի

առանձին իմն հայրական հոգածութեան ապացոյց կա-
թողիկոսութեան յարածների մասին. ժողովը պէտք էր,
որպէս թէ, հրապուրէր դէպի պապը Հռովմից անջատ-
ուած արեւելեան եկեղեցիները մանաւանդ յունականը,
Դարձը վարձատրելու համար առատ խոստումն է անում.
այն է. յոյները կը վերստանան հին փառքը, իրանց իրա-
ւունքները, իրանց ազատութիւնը:

Թերզեանի հրաժարեցումն.

ՀԱՅ-ՀՌՈՄԷԱԿԱՆ ԸՆԴՀ. ժողովը անցեալ շաբթու լիա-
զումար նիստի մը մէջ միաձայնութեամբ հրաժարեցուց Թէրզեան
Պատրիարքը, այն եղբակացութեան դաշտով թէ քանի որ անիկա
ոչ միայն նոր կանոնադիրը ազգին զգացման համապատասխան
կերպով կազմելու կողմը չէ, այլ եւ արդէն դոյութիւն ունեցող
կանոնադիրը չի ճանչնար, եւ փոխանորդ ու գործակատար
կանուանէ ուղղակի՝ արհամարելով ամեն կանոն եւ պատշաճու-
թիւն, իրաւունք չունի Ազգին ներկայացուցիչն ըլլալու:

Օ Տ Ա Ր Ե Կ Ե Ղ Ե Յ Ի

ՊՐԱՒՈՍԼԱՒ ԵԿԵՂԵՅԻ

(Церк. Вѣст. № 40.)

Սիրիի համար քահանայացուների պատրաստութիւն.

Եկեղեցական դպրոցների ուսուցիչներից Սիրիի թե-
մերի ազգաբնակչութեան համար քահանայացուներ պատ-
րաստելու դասընթացքները, որ բացուած էին Սրբ. Սինօդի
1909 թուի օգոստոսի 5—12 որոշմամբ, նոյն Սինօդը որոշել
է մի տարի ևս շարունակել նոր ընթացաւարտներ ևս տա-
լու համար, պայմանով, որ դասընթացքը լինի վեցամսեայ:

Եկեղ. ծխ. դպրոցների ուսուցիչների համար առողջա-
պահական քնակավայր Խրիմում.

1909 թուին եկեղեց. ծխ. դպրոցների 25-ամեակի
առիթով, ի յիշատակ ի Տէր հանգուցեալ Թագաւոր կայսր